

Mokanda ηwaakomaka Yuda Maphoo ma etatele

Moto owa koma mokanda mumu ali Moyuda, pho molimbolesi nwe ηwa maphoo ma sangola eekasi mofengye bateye ba Mibeko ba Bayunda (Etee ya 6-7).

Mokanda mumu moingole banosi miyo pho bakyebe na bato baatati itokolo mateya ma boole, na ibenga mofesi ηwa soo. Esengyesi obokye bakyele mandondo ma bee nde o bolaa boziya bee (Etee ya 20-21).

Maphoo mali o mokanda mumu me mama:

- Etee ya 1-2: Maphoo ma etatele
- Etee ya 3-16: Mofesi, mateya na suka ya bateye ba boole
- Etee ya 17-23: Mateya pho ya iphila nde ianola
- Etee ya 24-25: Kaa ya Nwaphongo

Ibeya

¹ Nga Yuda, moombo ηwa Yesu Klisto, ηwana nyango na Zake, naekomele bee bato baso baabanga be, baazinga Tata Nwaphongo na babanza bee pho ya Yesu Klisto.

² Nwaphongo aeyokye ngongo, aephe bose na lozingo loikye.

Bateye ba boole

³ Bande na nga, nazingaka na boikye iyekomela mokanda pho ya lowo la lobiko lookyeki banga baso. Naweni obokye nasengyesi ilokyela pho ya iyelenza obokye onwane ebasi ya ianola saphε Nwaphongo bato bεε pho ya bobελε.

⁴ Pho bato basu baabe banyosi onte ya bεε, baoto ngolu ya Nwaphongo wa banga na ikyela bondumba bambe na angana Moteye nde monomo wa banga Nkolo Yesu Klisto. Bεε babana baunva batangyela etumbu bo kowo buku pha Nwaphongo.

⁵ Na bokoebe bεε maphoo maso mamana phanza, obokye Nkolo, waunva yo ibikya bato bεε o mokyisi nwa Ezipito, amba ya boma sima batebaikaka moanola.

⁶ Ebe na banze batebaikaka ikala o etesi ya bεε na balokyε elele ekyebe be, ababomba na maphanga o enzombi pho ya iziya mokolo munene nwa mosambisa yo mokyisi.

⁷ Kula umunya na pho ya Sodomο na Gomola na nkyisi inene ya mambale, yamiambyaka o maphoo ndengye yonoyo ma bondumba na ilalinya babasi na babasi naa bampele na bampele, na bεε bakymele ndokolo ndakyisa o etumbu ya nwenya motemozime.

⁸ Eli nde ndengye yonoyo na bateye baabole babana, na nwa nwa bεε baoti nzoto ya be, batiyole bokonzi pha Nkolo, batole banze ba nkyemo.

⁹ Nzuka ebe na Mikayele, mokonzi nwa banze, waba yo na Zabulu bawele nzoto ya Mose, taika

motola, kasi awo nde obokye: «Nkolo aephε etumbu!»

¹⁰ Kasi bato babana batole maphoo mate maasosolo be. Bali ndokolo manyama mazanga malondo, basosolo nde maphoo maababungya.

¹¹ Ngongo ya be, pho babengyi nzela ya Kaina. Pho ya iphuti, bamile o mabunga ma Balama, baunva naotono pho batombi ndokolo Kole.

¹² Eli bee bato baoto ntoma ikyi ze bee o ibota, imbele siangane bee na bee na soo phe walunde bee ntoma. Bali ndokolo mampata maate-manoye mbula maukye ewele. Bali ndokolo nzete itibote mbuma na bo imbele me sikokyi, baiphikola, ya waa mbala ibale.

¹³ Bali ndokolo kanda eenene, batokolo maphoo ma soo ndokolo kanda kyephambe luulu. Bali ndokolo banyaseesi baakye miengyebana, bamobomba bee o elele ya enzombi ekusi pho ya bobele.

¹⁴ Nde pho ya bee me, moimosi Enoka, nkoko owa sambo tata oka Adama, awoko yokye: «Kyeka Nkolo kaye yo na moluku nwa banze bee basantu

¹⁵ pho ya isambisa mokyisi na iweninya bato babe bohe pha bee na maloba mabe mamowole be.»

¹⁶ Eli nde be! Bato baamiime na bakyemimilela, babengye nde maphowa ma be, noko ya bee kytokolo maphoo manene, bakyele molete na bato pho babakabele.

Maloba maikuya

¹⁷ Bande na nga, pho ya b̄e, umunya maloba maewolekye batoma ba Nkolo wa banga Yesu Klisto phanza.

¹⁸ Bawoko na b̄e bofo: «O imbele saa suka, basemosi baabengye nde maphowa ma b̄e maabe bamoya.»

¹⁹ Eli nde b̄e! Baaya kabola bato, bali na maumunya ma mokyisi, tebali na Bolobo.

²⁰ Kasi b̄e, b̄ebi na nga, omiteye nde o ikolo sa ianola sa b̄e sisantu, onga na Nwaphongo onte ya Bolobo.

²¹ Phila lozingo la Nwaphongo, bootaba b̄e iziya obokye Nkolo wa banga Yesu Klisto na ngongo ye aephe bomoo pha bobele.

²² Bato baataaba na ziko obaokyele ngongo,

²³ obabikya, obatokolo o ηwenya. Pho ya baayoko, obaokyele ngongo. Kasi nde kokyebe na b̄e, saphila na bo munkoto pho ηwaunva ototo na maphoo ma b̄e ma sokoto.

Ipambosi

²⁴ Nwaphongo ali na mwiya ηwa iyebanza pho b̄e sakaa na obokye b̄e sabaa na bofo n̄o b̄on̄o. Eli nde yo moto okokyi iyekomya oka ye o kyemo ye, pho omowene ombe baa na nkyisa nzikye.

²⁵ Ali Nwaphongo nde yo m̄on̄om̄o na Mobikye wa banga o nzela ya Nkolo wa banga Yesu Klisto. Le obokye nkyemo, bonene, mwiya na bokonzi ife ne uta o etatele, ηwan̄wa eye na pho ya bobele na bobele. Ame.

Lobala NT

Lobala: Sangola Eenyakune New Testament

copyright © 2018 Wycliffe Bible Translators, Inc.

Language: (Lobala)

Contributor: Wycliffe Bible Translators, Inc.

All rights reserved.

2025-05-10

PDF generated using Haiola and XeLaTeX on 10 May 2025 from source files dated 10 May 2025

45dc5a8e-f513-5ba3-aad6-e48bd1d5b563